



Mónica González Pavón, secretària generau deth Conselh Generau d'Aran,

CERTIFIQUI:

Qu'eth Conselh de Govèrn, en session ordinària d'1 de seteme de 2025, adoptèt, entre d'auti, er acòrd següent e que transcrit literaument ditz:

“3au.- APROBACION, SE PROCEDÍS, DETH PLEC DE CLAUSULES ADMINISITRATIVES PARTICULARES, DER EXPEDIENT DE CONTRACTACION E DERA LICITACION DETH SUBMINISTRAMENT E INSTALLACION D'UA ESTACION METEREOLOGICA AUTOMATICA EN CIRC DE COLOMÈRS, MEJANÇANT PROCEDIMENT DUBÈRT SIMPLIFICAT SUMARI, DAMB TRAMITACION ORDINÀRIA [RECÈRCA SCIENTIFICA TECNICA APLICADA].- (Exp. num. 3110-0001/2025)

Vista era memòria justificativa deth contracte deth conselhèr d'Infraestructures e Òbres, Mgfc. Sr. José Luis Boya Alòs, pes motius que s'i descriuen.

Vist eth Decret de Sindicatura num. 0462/2025 de 27 d'agost, en quau se demane informe per part dera Secretaria Generau e dera Intervencion de Hons.

Vist er informe favorable de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de clausules administratives particulars redactat.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament deth subministrament a contractar ei previst ena aplicacion pressupostària num. 2025/01.463.623.00 deth pressupòst generau vigent entar exercici 2025.

Cossent damb çò que dispausen es articles 16, 25, 28, 116, 117, 118.1, 122, 159 e Disposicion addicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govèrn aprovar eth Plec de clausules administratives particulars, er expedient de contractacion atau coma era licitacion deth servici nomenat, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [BOP de Lleida num. 159, de 19 d'agost de 2023 e DOGC num. 8980, de 16 d'agost de 2023].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des tres (3) membres presents deth totau de quate que formen aguest organ collegiat:

Prumèr.- Aprovar iniciaument eth Plec de clausules administratives particulars qu'a de regir era contractacion deth *subministrament, installacion d'ua estacion metereologica automatica en circ de Colomèrs*, plec que s'adjunh coma annèxe en expedient e que demorarà a disposicion des persones fisiques e/o juridiques interessades, atau coma era





Conselh Generau d'Aran

despena corresponenta ad aguesta contractacion per un pressupòst totau de trenta nau mil tres cents vint-e-cinc euros (39.325,00 €), IVA includit, damb eth desglossament següent:

- Trenta dus mil cinc cents euros (32.500,00 €) en concèpte de pressupòst net e,
- Sies mil ueit cents vint-e-cinc euros (6.825,00 €), en concèpte d'IVA ath 21%

Dusau.- Aprovar er expedient entara contractacion deth *subministrament, installacion d'ua estacion metereologica automatica en circ de Colomers*, mejançant procediment dubèrt subjècte a regulacion arminitzada, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

Tresau.- Dispausar era dubertura deth procediment dubèrt simplificat sumari de contractacion, en tot procedir ara publicacion der anonci de licitacion en perfil deth contractant en tot daurir en aguest moment eth tèrme de dètz (10) dies obrants entara presentacion d'aufèrtes, cossent damb çò que dispausa er article 159.6 LCSP.

Quatau.- Facultar ara Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors."

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb eth visteplatz dera Sindica.

Vielha, *signat electronicament*

Vist e platz
Era Sindica

Maria Vergés Pérez